Universal Declaration of Human Rights - Dendi

© 1996 – 2009 The Office of the High Commissioner for Human Rights

This HTML version prepared by the *UDHR* in *Unicode* project, http://www.unicode.org/udhr.

ÃDUNIYA KULU BORO DAAMA BEIYANIYOM

SENNI ZIIGO

Ka simma nna buricinitere ka n boro ŋwene iyaali bei nna daama duuri ka boro fo su hini ka honu n se ya bara bono duuri nna laakari kaniyom ãduniya kuna,

Ka simma nna ka boro daama duuri bara hei fo ka sariya hima a ma ceruma ka boro morani nna tilaasi guruje nna meiyom berekete nna kwene boro futu.

Ka simma nna naane ka ãduniya zamaa sariya nyâ dam daama duuri ga buricinitere nna boro jirima boŋo nna kwene daama ka a gono weiboro nna haruboro ciyom afo gonouom kuna,

Ka simma nna ka bine a hima go rokasine henno ma gono ganna nna ganna nmaaniyo binni n hãnu kulu moojine kweiyom dirou ga,

Ka simma nna ka ãduniya zamaa diya mariga beeri, tabataniyom mɛɛfo ceejiyom ka n baa ãduniya ganna zamaa kulu ma tɔ daama duuri hini ga nna a zaamani safu nwaani nwaani ka n damyom nna daama duuri ko ga a jirimani ko beiyom tɔntɔni ceeji a bɔŋɔ,

Ka simma nna ka ãduniya zamaa marga beeri tutu ka nηayo ba mεε cinεyo kulu cii kawa bɔrɔ ηwɛnɛ ãduniya daama duuri hini ga,

Ka simma nna ka mɛɛcinɛyo cimaniyo ya ba nam daama duuri gweiyo ma dira dei-dei,

ãduniya zamaa marigã beiyani bɔrɔ ŋwɛnɛ daama duuri ãdininya kuna gwei cirici ka a hima zaamani an kokari kǎ ci tɛɛntɛ n ŋmaarɛ ba mani za couyom hini kuna beiyom ceejiyom, ga, bɔrɔ kulu ma mɛɛ cinɛ di ci a ŋwɛnɛ ganna zamaayom kulu mɔ ma duwa ka geeri tila cirici wɔ ga. Za ganna ŋmaani ŋmaaniyom kuna hali an to ãduniya zama kulu.

ASARIYA SINTE (1)

Aduniya kuna n gu ibuna damayo hei no dei-dei nn daama nna n burucinitere fo, n lasabu nna laakari ya nam nn mo huro cere kuna nyanze tere bonoo.

ASARIYA HINKANTE (2)

Baa mεi hima a ma gonna daama nna bɔŋɔɔ mεiyom zaŋa ka daama bei beiyaniyom mεε cinε na a siriyani dimi fisɔu yo ma sii. A sii nna n ma ci wɔ nɔ gaa kwaarε wɔ nɔ gaa bii wɔ nɔ weibɔrɔ wɔ nɔ harubɔrɔ.

A sii nna cine fisouyom; a sii nna adiini fisouyom a bine sii nna siyasa fisouyom.

ASARIYA HINZANTE (3)

Boro kulu gonna hunayom nna bonoo meiyom nna bonoo naaneyom daama.

ASARIYA TAACINTE (4)

Boro fo na hima an ci boro fo se tam dee bine n ma mooriya berekete. A ganna no n honu tamtere nna mooriyayom berekete ba hini fo ga.

ASARIYA GUNTE (5)

N su boro fo wahalani, n su ga ceenani n bine su ga kamani.

ASARIYA IDDUNTE (6)

Sariya ganna baa mani boro gono a hima an saria ganna.

ASARIYA IYENTE (7)

Iri kulu afo sariya mojine ya no bine sariya di gu iri kulu ceruma.

ASARIYA AIYAAKUNTE (8)

Batume gono bamei se dee boro na sariya daali n ma cee goosi sariyayo di mojine ka yii ko beiyom.

ASARIYA EGANTE (9)

Hini sii boro fo se a ma hacine dii ka daabu ou a ma gei, dee bine a ma kaa kwaara ka na cii taalifo bono.

ASARIYA WEINTE (10)

Hini gono bamei se an goosi ce; goosi ka a ba hini ka a no cimi ou a ma tagarani a daama nna a tilasi bono.

ASARIYA WEICINIFONTE (11)

- 1. Ba n taali damyom nga se goosi ma a ciba n faaba kwe yo mojine n ma du ka n ci taali kwe.
- 2. A sii na n ma boro no taali daa fo bono ka sariya dom na a jisi. Ya no bine hãna gunguyom ka a bisa sasariya sii. Sariya zaka ya hima hãna gunguyom.

ASARIYA WEICINI HINKANTE (12)

Boro fo su mee dam boro fuu senni kuna berekete. Ya no bine boro fo sii nna a ma haŋasine jirima zobu. Sariya bamei ceruma nna alaamari zaŋa yayo.

ASARIYA WEICINI HINZANTE (13)

- 1. Daama gono bamei se a ma kwei nunu ka a baa kulu.
- 2. A ma gɔrɔ kwaara ka a sawayom a sɛ a ma tunu saa ka a binɛ baa.

ASARIYA WEICINI TAACINTE (14)

- 1. Bamɛi ka sanani na n gaari n kwaara kuna daama gono n sɛ n ma gana kwaara ŋwaani ka hini ceeji n ma n ta yoo.
- 2. Daama di su go n daabu dee a bara nna boro wii ou bine daa berekete fo yo ka ãduniya zamaa mariga beeri honu.

ASARIYA WEICINI GUNTE (15)

- 1. Bamei kulu hima a ma gonna dimi.
- 2. N su hini ka honu boro sε a dimi takii bono.

Asariya weicini idunte (16)

- 1. Dee boro kǎ to balaga a sii nna ma dimi nna adiini fisou wei nna haru sε domi daama fo di no n kulu gonna za n hiije waati hali n fefeiyom saa.
- 2. N su hini ka hiije hou ka a na ci nna n boro hinka kulu bakasine.
- 3. Iyaali ya bara zaamani safu ci cirici a ganna no gominanti ga a ceruma.

Asariya weicini iyentε (17)

- 1. Bamei, n boŋɔ̃ fo no, noo zamaa no, daama gono wo gonna duuri.
- 2. A sii n ma boro gana a duuri takii bono.

Asariya weicini iyaakunte (18)

Bamei kulu gonna daama lasabu, ga, diayom kuna nna adiini ganayom ga n bine ba hini ka baaru n bono fo ou noo zamaa ko ga loo zana ka a sawa noo se.

Asariya weicini εgantε (19)

Bamei kulu gonna lasabu nna senni daama. A se ganna no boro su ba heifo senni ou lasabu ko dirigoyom hei ka a bine ba senni kulu hini ka sei ba mani.

Asariya warankante (20)

- 1. Bamei kulu gonna kummayom nna igwe kuna gonoyom daama.
- 2. N su boro tilasi igwe fo kuna wuroyom.

Asariya waranka cinifonte (21)

- 1. Bamɛi gonna daama a ma wuro a kwaara senni kuna a bɔŋɔ ɔu a barani ka a fisɔu.
- 2. Bamei kulu afo bono gonna daama a ma gwei te a kwaara gominanti se.
- 3. Hei ka zamaa zaa ya bara kwaara yiiko. Zaayom di mo bara ka nna a tete biri.

Asariya waranka cini hinkante (22)

Ni ka kulu n gono zamaa kuna hima no n ma gonna zamaa di naane daama. A ma du kŏ bara n bukaata mŏ biyayom zaa almani nna taadayo daama duuri hini ga heiyo wo kulu nna kwaara zaama gaabi nna bine goro ka sine heinno kwarayo ŋwene alkawali hini ga. Ka simma nna zana ka mete yaasi kwaara fo fo na ŋwene almani siriyani.

Asariya waranka cini hinzante (23)

- 1. Bamei gonna daama a ma gwei ka ă baa fisou. Ya no bine n ga a ceruma nna gwei zanei.
- 2. Bamei munaafinsi baasi gonna gwei ka n te banayom daama.
- 3. Ni ka n gwei te kulu gonna banayom dei-dei daama ka a ba tə ni n ma n ŋwene iyaali kətə nna beere bəŋə.
- 4. Bamɛi gonna daama a ma gweiteeriyo zogi taayom igwɛ safu jisi a binɛ ba hini ka a bɔŋɔ dam a fɔ ŋwaani ku na a bɔŋɔ bukaata fansayom ganna.

Asariya waranka cini taacinte (24)

Bamei gonna gwei hinanzobu nna hoore daama gwei keiyaniyom zaka nna gwei hinanzobu kuna banayom saa nna saa.

Asariya waranka cini gunte (25)

- 1. Bamei gonna jisiri daama ka a ba hini ko ga ŋwene alaafia nna a iyaali kulu ceruma nna, zaa ŋwaari, taafe, fuu nna baabuyom. Dee a bara sariti ya du ni ou bine gwei ya sara musiiba ya na n zeeri, zeene no, dee bine arooba fo ka a na ci n saabu a bara tilasi n ma duwa tee mako daama.
- 2. Wei kunu kweiyo, koo ŋwɛɛrayo gonna tɛɛmako nna kulayom daama. Koo kulu ka nna hei hiije bɔŋɔ, ka du ka nam nŋa ka n hei hiije si bɔŋɔ nn kulu gonna kulayom daama.

Asariya waranka cini idunte (26)

- 1. Bamɛi gonna couyom daama. Couyom di ma du ka bara tilasi faala bɔŋɔ za coubugu cɛɛnɛ ka kwei sasa wantɛyo kammɛ gwei dendeniyom coubugu nηa cɛrɛ hima n ma feeri bamani. Coubugu beeri n ma nηa feeri nunu ka a hima.
- 2. Couyom di ma bara heifo ka a moo feeriyom nna jiri ma nufi daama duuri hini ga a ma ci saabu suuru nna kwaasitere ma tee dimiyo nna adiiniyo binni laakari kaniyom nna wadaata ma te bamei se.
- 3. Nyaa nna baabe gonna daama n ma couyo ka n baa fisou n kõyo se.

Asariya waranka cini iyente (27)

- 1. Bərə kulu gonna daama a ma wuro a dimi taada kuna ka a hukumsi.
- 2. Bamei gonna daama taadayo kuna a ma a kaayom taago liiba nwaa; tila kaayom no, ou hoore taago.

Asariya waranka cini iyaakunte (28)

Bɔrɔ kulu gonna daama a ma tɛ hɛi ka kwaara nna kwaara binni, nunu birijiyom ma si. Laakari kaniyom nna bɔŋɔ mɛiyom mo gono zaŋa ka nna beiyani bɔrɔ ãduniya daama tila kuna a ma duka bara mɔɔriyantɛ.

Asariya waranka cini egante (29)

- 1. Boro gonna tilasiyo zamani ka kuna a gono. Zamani di ka kuna a folonku boro tere nna a jirima hini ka te.
- 2. A daama nna a bono meiyom looyom kuna no sariya tikite a se a ma duwa ko boro cinniyo daama nna n bono meiyom bei n se. Macerese mo gono bamei se.
- 3. N su ba hini ka daama nna bono meiyo di loo ka na cii zana ka yaasi ãduniyakwaara diyayo marigayom na a jisi.

Asariya waranzante (30)

Beiyaniyom wo looyom ga siriya fo sii ka a ba nam kwaara fo su safu fo dee bine boro ma tunu ka koone ko ceeji ganna zamaa ma daama duuri nna bono meiyom di ka n dam tila kuna saabu.